

## RIAN A KAWL LIOMI CAAH DIRKAMHNAK

*Hi rian a kawl liomi hna caah Rian lei DirkamhnaK cu Australia Acozah nih aa ruahchihmi, rian a kawlpiaKtu hna an tuan hnga ding kha a langhter. Cu bantukte cun rian a kawlmi hna pakhat cio nih rian an kawl lio ah, a niambik an tinco ding le an tlamtlinh hnga ding zong kha, a langhter.*

Australia Acozah nih rian a kawl liomi minung hna kha, a kuam kaupi bawmhchanh dingin aa tinh. Acozah nih rian a kawlmi hna a bawmtu pawl kha ram pumpuluk ah samh in rian a tuan i, rian hmuhnak caah anmah pumpak an herhmi cio cungah i hngat in kuam kaupi luh khawhnaK lam a sersiam. Rian a kawlmi hna caah a hrampi/a kungpi hmuaitinh cu, riantuanmi hna thawngdeuh in an i tel khawh le, rian a kawlmi chungin zohkhenh hau dirhmun in rian kuttlaih a ngeimi dirhmun sinak lei karhlan ding kha, a bawmh.

### Nangmah nih rian an kawlpiaKtu sin in zaidah naa ruahchan

Rian an kawlpiaKtu nih nangmah kha:

- Na Rian Timh-lamhmi (Job Plan) a thatnak hnga an tuanpi lai. Cu ahcun, rian na kawl lio tangka an in bawmh chung vialte a tlawmbik a herhmi na tuah cuahmah lio chung, an bawmhchanh lai.
- Na thawnnak le an zuamcawhmi hna kha, hliah hngal in a theih lai i, rian lei na timh-lamhnaK a thanter lai.
- Aa tlakmi rian lei ah na min an kuatpiak lai.
- Aa tlakmi zaanghleicawi riantuannak (Work for the Dole) rianhmun lei ah an kuat lai (a herh sual ahcun)
- Na sican ning aa thlennawn ahcun na herh-haimi an kawlsuat piak lai.
- Hlawh hmuh cungah chapchuan in an bawmh lai asiloah bawmhchanhnaK a hmunhma an thialpiak lai (a herh ahcun)
- Rian na tuan thawk tikah nangmah le rian ngeitu kha an chawnh lengmang lai.
- Anmah nih an sersiammi Service Delivery Plan kha a tuahto lai.
- Nangmah kha nunphung lei ralrin bu, a dingte le upat-tihzah bu in an biakchawnh lai.

### Nangmah lei in aa ruahchan vemi:

Nangmah lei in tuah na herh ve, cu ah aa telmi cu:

- Na hnatlak ciami Rian Timh-lamhmi (Job Plan) vialte na tlinh a herh.
- Aa tlakmi rian kha na cohlan a herh.
- Zuamnak phunzakip in rian hmuh le, cu rian cu i tlaih peng a hau.

- Rian Timh-lamhmi (Job Plan) chung khiahmi zat ningin rian na kawl a herh.
- Na caah sersiammi le a herhmi kumfatin cawlcanghnaK – bianabia ah zaanghleicawi rian (Work for the Dole) (mah cucu nangmah Job Plan langhternak ah aa tel) ah i tel ve a hau.
- Appointment na kal khawh lo asilole fialmi rian na tuan khawh lo sual ahcun, rian an kawlpiaKtu kha a rannak in theihter a herh.
- Na sican ning pakhatkhat aa thlennawn sual ahcun, rian an kawlpiaKtu kha thawng na thanh lai.

A cunglei pakhatkhat na tlohl sual ahcun, na tangka hmuhmi kha a hnorsuan khawh.

### Na pumpak konglam-thawngpang cu a thlithup in chiah a si

Na pumpak konglam cu Privacy Act 1988 khiah ning telchih in upadi phung nih a huhphenh. Rian an kawlpiaKtu nih rian ngeitu hna sinah rian he aa pehtlaimi na konglam lawng kha a chimh lai, asilole nangmah hnatlaknaK in na rian tuanmi kong kha a chimh lai. Rian an kawlpiaKtu nih, na konglam kha adang acozah lei bu hna nih an herh sual ahcun, a thanhchin khawh hna i, cuticun nangmah nih na herhnaK adot tiang tuahpiak/tincoter a si. Cu acozah lei bu hna nih cun, na rian ngeitu kha an chawnh lai i, na konglam an theih ning a dik ko, ti kha an fehter lai.

Nangmah nih, rian an kawlpiaKtu i a kilkoi mi na konglam kha na hal khawh, na lak khawh, a herh ahcun na remh khawh.

## Thangthat lawmhnak, ruahnak cheuh asiloah phunzainak

Rian tuanpiakmi zoh/ngiat khawh khi a biapi ngai. Riantuannak lei Zungpi (Department of Employment) le rian an kawlpiaaktu hna nih nangmah i na ngeih khawh men mi lehrulhnak khi a sunglawi ah an chiah.

A dikmi bawmhchanhnak ka hmu lo, tiah na ruah i lungtlinlo phunzainak na tuah duh ahcun, rian an kawlpiaaktu kha a hmasabik ah chim. Rian an kawlpiaaktu nih a dingmi lehrulhnak ningcang kha an chimh lai i, na lungre a theimi kha tawlrel an zuampiak lai.

Rian an kawlpiaaktu kha ka chawn kho lo, tiah na ruah ahcun, asilole a cungah na lung a tlin lo ahcun, Department of Employment zungpi National Customer Service Line ah 1800 805 260 kha (inn fon in a man pek hau loin) chawn, asiloah [nationalcustomerserviceline@employment.gov.au](mailto:nationalcustomerserviceline@employment.gov.au) ah email kua.

Na hmuh liomi bawmhchanhnak a thatdeuhnak hnga, ruahnak cheuh na duh, asilole, an in bawmhknak cungah thangthat lawmhnak bia chim na duh ahcun, zaangfahnak te in rian an kawlpiaaktu kha theiher asiloah National Customer Service Line kha, chawn.

Bawmhchanhnak tangka na hmuhmi kongah na lungre a theih ahcun, Department of Human Services zungpi ah chim. Department of Human Services zungpi chawnh khawhnak a dikthliar cu: [www.humanservices.gov.au](http://www.humanservices.gov.au) ah na hmuh khawh lai.